

治瘡子大治

或有問予曰瘡子瘡子之發也其發也同時并人
皆有痘瘡之患豈天道然乎抑本之於何臟何腑乎
請一詳言之余應之曰痘發也本父母胎毒同天
行時氣而發此痘本乎五臟先天之症也至於瘡子
之發也亦因天行時氣與傷寒相似即所謂發斑傷
寒也自人受形而後肥燂灸薰于胃腑故胃腑清潔
其發也輕胃腑垢膩其發也重此瘡子本於胃後天
之症也其發也身熱面赤咳嗽耳後筋紅或青紫者
重眼睛水淋搃以表發為主夫瘡之發也本於胃

腑傳於肺家與肝腎無涉而亦有用黃連而得效者
以諸火皆統於腎故也其始初發散藥升麻干葛前
胡桔梗薄荷防風荆芥蟬退粘子連翹蘓葉亦可用
消食麦芽此初發和平之藥也切不可用羌活活
性燥切不可用柴胡柴胡少陽經藥痞子自肺胃兩
經病與肝胆無涉若用柴胡故將胃火引入少陽痞
後不無目痛此所謂引邪入經也故柴胡不用山查
只壳麦芽此三味痞中必用之藥且山查只壳麦芽
能消小兒乳痞其見點三日不驟用者以山查只壳
麦芽其味酸則斂痞子以發表出透為主若出到

脚踝頭斷用山查麥芽只壳等藥書云寒涼過盛未
免有冰伏之患故黃芩一味不用於見點之時而用
於將齊之際經云胃火不清則發為牙疳口爛目痛
目赤肺火不清則熱入大腸流而泄瀉下痢此瘡後
之病皆由以瘡前治之不得其法之故云
瘡前有火閉症一曰風閉一曰食閉一曰火閉其食
閉見症何如口舌燥身熱極氣粗胸滿積食填於胃
中手不可按之極痛食填中宮故出不快治宜以
大黃通之火重用川連仍佐以發散藥若出可治不
出者死其風閉見症何如額毛豎立點子隱於皮

膚之中治宜三拗湯以火發之麻黃石羔杏仁此即
三拗湯也再佐升提透肌等藥發出則生不出則死
何謂火氣相通舌胎白口臭此胃火也故胃火不清
點子出不快出亦模糊舌尖紅亦佐以透肌表散藥
急用石羔黃連以清其火庶可救其萬一稍緩則斃
矣此三大閉症仍是瘡前見症予已詳示開學者心
一用明藥

火閉症方

石羔

黃連

升麻

干葛

前胡

桔梗

防風

蟬退

粘子

連翹

甘草

根生

芡芽

加竹葉十片

灯心一丸

此火閉症也

食閉症方 大黃 萊菔子 有食則有火舌尖紅

用黃連不紅不用舌乃心之苗若紅必心火也內仍

佐以發散透肌等藥此食閉症也

風閉症方 麻黃 石羔 杏仁名三拗湯 升麻

干葛 前胡 防風 蝉退 粘子 根生 連翹

等藥有人虛而患風閉人參同麻黃並用亦能發痞

子此又非痞無補法之可疑也

痞子初發表藥方 荆芥 防風 蘇葉 薄荷

前胡 桔梗 干葛 蝉退 連翹 芡芽 甘草

加葱白七个灯心一九

瘡子見點一日方
升麻 干葛 防風 荆芥

薄荷 桔梗 粘子 根生 蟬退 連翹 芡芽

甘草 灯心 一九

見點之曰瘡子隱於皮膚當用麻黃舌胎白有口氣
斷用石羔以清胃火則瘡子自然出透切不謂寒胃
而不用若用見舌胎白反以謂寒不能放胆用石羔
必然胃火不清不清瘡子出不快當時就有鼻扇胸
滿氣粗之患日後又有牙疳口爛目痛目赤之害以
胃不清胃火上熾於口瘡_鼻為胃所屬也又胃火上
熾於目胃之脈起於鼻傍納太陽目內眥故胃尋到

本經來也。夫富貴子弟，肥甘食多，一見舌胎白，有口氣，須重用石羔。若貧窮子弟，不吃肥甜之物，胃火到牙，不受胃火到目，不受胃火無發泄之處，有上頭頂門紅腫高起寸許，此是瘡後症，不清胃火而致之。醫者月餘不效，竟成危症。余視此症，總是胃火不清，仍用石羔合荆芥清火敗毒之藥，再加鹿角屑。頭為諸陽火首，鹿之所運，角有至巔頂，故用三劑而效。瘡子見點，方二日方。干葛、前胡、薄荷、防風、蟬退、桔梗、粘子、連翹、根生、山查、芡芽、灯心、一丸點子不透，仍用升麻，隱於皮膚，可用麻黃。

點子焦於乾枯當用黃連紅花紫草炒梔子舌胎白
用石羔舌尖紅用黃連舌胎黃用只壳萊菔子氣喘
鼻扇用羚羊角馬斗鈴有痰用花粉杏仁

瘖子見點二三日方姜蚕根生玄參知母

山查黃苓麦芽

嗽加枇杷葉去毛蜜炙舌胎白有口氣可用石羔炒
焦糯米蓋石羔寒胃糯米麩胃用之以相救又有石
羔兼用升麻取升陽以發散之舌紅用黃連炒梔子
有食用只壳萊菔子有痰用貝母花粉杏仁氣粗用

蘇子

瘡子見點三四方方 前胡 干葛 姜蚕 鮮退

玄參 知母 石斛 山查 只壳 黃芩 麥冬

桑皮 杏仁 見症加減同前

瘡子見點五六日方附後 余三十年前出瘡子一

日子午二潮三日已消必不服藥者居多 迄今瘡子

有六七日不消身熱壯竟似發斑復寒其故有二一

火毒未淨一表裏未清 余定一方開載於後

前胡 薄荷 干葛 黃連 梔子焦 知母 玄參

桔梗 生地 連翹 查肉 只壳 姜蚕 見症

加減同前

瘡子消來服藥方。瘡子前以發散為主。瘡子消子

消後以滋陰清胃為主。生地。骨皮。甘草。麥

冬。桑皮。杏仁。米仁。前胡。山查。只壳。

貝母。知母。石斛。玄參。嗽者用北沙參。有痰

用白芥子。有食用萊菔子。見症加減同前。

瘡子不易看。瘡後有兩大患。一曰瘡前胃火不清。以

至牙疳鼻爛。一因肺火不清。移熱大腸。變成泄瀉。下

痢。初起急用大黃。以泄其毒。若曰人虛難用大黃。用

黃連。芩黃。以清其火。牙疳者急用石羔。目痛須用石

羔。黃連。以清其火。目紅赤者須用大黃。以瀉之。此治

之。大法也。

瘡後重感風寒者。仍用表散之藥。瘡後陰虛發熱者。仍用滋陰養血之藥。當歸、芍藥可用。瘡後積食不消。仍用消藥。瘡後小兒乳疳難治。只有五疳一法。可救萬中之一。瘡後餘毒。仍用清涼化毒藥。瘡後痰氣喘。仍用化痰清肺藥。凡瘡無補法。故人參、白朮不用。然真虛者用之。而然瘡子以陰養為主。故肉桂不用。然真虛者亦可用。麻黃一味。服子過多。肺中燥極。渴不為主。可止。惟有黎頭少杵汁飲之。可以止渴。以黎能潤肺。故也。凡眼中有星。自退。凡出痘而瘡子又出。

者此最難者用青大麦草襯於席下以陰消其瘡子
然後治痘內經曰漆得蟹而解痲得麥而消也無青
麥草大麦可代

瘡子牙疳敷藥方

人中白

煨四遍

鹿角屑

生剉

青黛

五錢

製石羔

飛淨五錢

冰片

三錢

等藥

研極細末

敷患處之效

看瘡法可抵上白肉若紅必出瘡子松毛頭能發瘡

子西河柳能發瘡子蘆筍能發瘡子工數條乃瘡中

之大略也學者更合繆氏諸書參互考訂神明其說

然後用以濟世則一撥見應越人術得矣否則對本

拙方於經絡脉理藥性毫魚貫通時數頁書為岐皇

再世景垣復生。遽思洛下醫。初遇輕易痞症。本來不
必服藥。漫抄一方以試之。遂霍然有效。目欣得計。
秘為生平獨擅之奇。延門兜攬。殺人如坑。則又此數
頁書之作俑也。譬猶大學聖經一篇。聖功黃道萬理。
咸備小兒。上幸入學。初識句讀。欲號通經。豈不誕哉。
牙疳方。用大棗去核。將白信石入於棗內。用清油點
燈燒至烟盡。研為細末。加冰片少許。擦入患處。立效。
又方。當歸一錢。川芎一錢。荆芥一錢。黑丑一錢。小青草一錢。番
木鱉去毛淨切一個。加灯心煎。

又方。胡芫荽子一錢。麻黃二錢。雄黃一錢。姜蚕四錢。全蝎酒洗五隻。

研為細末。灯心湯送下。

又方。胆礬一錢。明礬一錢。白信四厘。人中白二錢。藥珠七分。青

戴一錢。梅冰一錢。

末藥方。銀花二兩。姜蚕四兩。薄荷二兩。蒙石二兩。雄黃五分。

痘疹正宗。清金一貫飲。荆芥。前胡。桔梗。

占子。連翹。黃芩。杏仁。山查。甘草。

歸宗湯痘科。生地。赤芍。青皮。粘子。木通。山

查。荆芥穗。甘草。

疹之初宜升麻葛根湯次宜荆防湯若清火瀉白散
合白虎湯或加苓連桔梗終宜二冬二地飲或甘露
飲黃芩二地宜當斟酌治之

升麻葛根湯 升麻 葛根 荆芥 防風 蟬退

桔梗 薄荷 生甘草 額心出透者去升麻表不

透者加煨石羔一錢 酒炒黃芩一錢 有食加麦芽卜子

三錢 大便閉加萎仁

清火瀉白合白虎湯 桑皮 骨皮 知母 石羔

川連 黃芩酒炒 桔梗

一閉悶不出用櫻桃核三十粒打碎加葱白二根水

二鐘煎八分熟服取汗無汗再服得汗即發出矣
疹症 一晚間發熱天明畧退喉間有痰疹出后十
數日有此症五日生疔身瘦如柴而死候作風寒
者飲食滯者疔症者皆不效此陰血不足之症也皆
瘡後未養陰之故耳

察症 疹之為症本是肺胃蘊積熱毒先動陽氣後
歸陰經發必太多血分煎熬故多血耗治之法宜緩
不宜急也始宜發散內托形已盡透然後清涼益陰
又當分肺胃各部及上下之分此不易之法也

二避風寒 風寒本是外來宜當遠避如夫避忌後

皮膚乾燥腠閉密致使難治初避疹子易出若出而不避使出而復沒毒積於內後變無窮及沒後亦宜避忌否則恐邪入於肝臟日久防目疾之患多變危症矣

麻黃干葛湯治麻初出時不避風寒致不易出倘或悶症者其方在前

三避辛酸熟物 辛辣沸熱之湯患疹之兒大多酷好何也疹之為病原屬于火盡火鬱于內得辛辣熱物而痰火漸開故多喜飲宜速為禁忌之庶無後悔如或姑恤不能禁止則痰火益盛致疹紫色變黑或

二便閉結或血痢脫肛或牙疳觸爛或唇口破裂或喉中痰聲齶齶或五竅出血或大熱不已致胃益甚而飲食便吐不能下者皆為逆候如乳孩母亦當忌至於酸物性帶收斂亦不可用燥濕寔脾動氣香竄之劑尚不可用况辛辣熱物乎

四忌生冷有時疹之發熱也必由口渴多飲水疹乃火症飲冷無妨蓋初熱未出之時不宜用冷此時惟宜透表冷則毛孔閉密只宜溫暖待其透表無忌生冷如西瓜梨藕可用桃李甘蔗不宜初出瘰癧生冷及冷藥過多致毛孔閉塞不用麻黃干葛湯

加葱頭七個不可食以出透為度

五乾湯 小兒唇口紅如丹是欲發渴也此因內熱所致必當審虛寔若二便閉塞此曰內熱已甚宜清熱涼和之劑干葛花粉湯如出不透加麻黃若二便清利唇口淡而渴必先過食寒涼致中氣虛而乾燥也急宜補中氣若上腹脹不食是為敗症始用干葛苦茶雪梨終用花粉石羔不可混施

六熱有遠近 疹症發熱不比痘症痘症不過三日即出瘡症近則五六日遠則八九日或半月又乍寒乍熱至於壯熱終日不退者是也若始熱必見外症

宜詳察之。宜升麻葛根湯。如寒邪閉塞。加麻黃湯治之。

七壯熱。謂大熱經日不退也。若初見。即發大熱。直至出時而不退。稍其症必重。以三拗湯加清涼表散藥。若先發熱。輕至出時方壯熱。是為症候盡出。而壯熱不退者。即服和解疏托之劑。如黃連支子湯。出透減麻黃。後發熱不退。更為不宜。亦即宜和解。以免後患。宜二冬二地。加清涼藥。北沙參丹參。

八乍熱有二。謂熱數日而止。過數日又熱。又有數日之間。早發而午涼。申發而暮止。此二者皆謂乍熱。

不可因熟微而忽之
也往有回輕而反
重者多

也未出之前見之乃毒未透宜疏挽沒後併未沒之

間見之為毒氣未盡急宜分利亦有因病後中氣弱

者必當臨時酌量治之沒後乍熟乍涼方黃芩

黃連 知母 焦栢 支子 花粉 石羔 麥冬

木通 查肉 干葛 桑皮 杏仁 甘草

九微熟 言輕而不壯熟也初熟之時可也將出之

時熟不可輕則不能透表急用疏托之劑未沒後

見之此毒輕而盡也不須服藥正出之時不宜微

熟之微恐不透表宜疏托之劑 查肉 桔梗 麻

黃 芥穗 干葛 桂子 杏仁 桑皮 薄荷

升麻 引葱頭

此熱不休為壘潮熱
往來是虛

熟退後三五日而復
熱尚有別情亦宜細
問不可執定餘毒
復還

十潮熱 一日至晚一夜至早如潮之信而不爽也

如初出必無此症須得出後併沒有之此曰氣旺血

虛甚而作宜益陰而退陽乃為工吉 解火湯治沒

後潮熱不退 元參 知母 吉更 干葛 當歸

生地 沙參 丹皮 桑皮 銀花淨 虛亦可

十一復熱 謂熱退而復發其候必待沒後熱退身

涼而過三日五又復熱是此因餘毒復還治宜疏解

為上妄用燥劑不治餘毒未盡或傷飲食而復熱

者 干葛 苓黃 柴胡 黃連 只壳 查肉

青皮 杏仁 桑皮 知母 木通 枳殼 豆蔻

葷醒油膩而復熱者併此方服之傷食飽痛加大黃

十二咳嗽 謂瘖症之咳乾咳連聲不斷也此本火

旺肺氣益甚痲之為症先時喜咳甚蓋咳甚則毛竅

易開故易透點咳微則腠理難開而痲難見先時宜

多咳為是也至於吐盡及沒後當以無咳為佳嗽甚

當清痰清肺降火之劑為要如初時少嗽則疹不出

當發散藥中多加助嗽之藥即半夏正吐時宜多咳

少咳用麻黃 干葛 桔梗 桑皮 半夏 蘇葉

木通 山查 杏仁 只壳

十三微汗 麻之神出至未沒之時但宜微汗則皮膚通暢湊理開豁而疹毒易透若見微汗則不宜過用升麻發之劑恐禍生不測

十四大汗 汗過多有二因一因蓋厚而發一因大

用升劑而發此二者皆不宜也恐汗多亡陽輕者變

重以致不救麻出隱暗不明透為懷症當以權法用

大升之劑助其微汗大汗過多而亡陽者不治汗後

麻色紅活光潤則愈矣有汗多亡陽者身涼昏睡不

醒人事用人參 麥冬 川貝 茯苓 杏仁 吉

更 當歸 甘草 不多服

十五無汗。多曰重感風寒。致皮膚乾燥。毛竅不開。而疹不出。多成內攻之症。以致腹脹發喘。夏秋之間。宜微升發。春冬重以疎散。但使渾身常有微汗為妙。使腠理易開。而疹出潤澤。又有一等熱極火鬱而無汗。皮膚不潤。外症唇口破裂。二便瀯結。昏沉壯熱。或身體脹痛。多發喘促。鞞軀痰鳴。無分遲早。雙解散加石羔。羚羊角。急用寒涼降火清潤之劑。佐以升發。否則變為壞症也。自始至終。必以汗為主。若終無汗。沒後多生餘症。亦難解毒。此等症候。可用大黃蕩滌。佐以石羔兩許。

十六不透表 痲之為症必要發散有因風寒所折
未能疎托此等症則皮膚乾燥毛竅不開宜用疎托
有因火熱內發熱極而不能透表者皆根地窠粒混
成一塊而色紅紫急以火閉法治之清解為幸其中
佐以升發可也若因中氣虛而不透表者此等則皮
膚不燥唇面雖紅而色淡此等症候已明形狀須分
辨別不透者為渾身痲症隱於皮膚之中似有出意
而不能透也此等症或因病後或是虛勞之人表散
藥中兼扶正氣漸加入參古人疹隱暗之痲必多難
治又有一等惟胸腹要背暖處有一處見紅

足額面無者此等隱暗宜急治之表散藥中加嫩松
尖三五個後必日久多纏謹慎可保混成一塊者
緣火毒亢盛氣為毒所蝕而平塌不起血為火所涸
而反浮赤色治之以三拗湯為至麻黃石羔
杏仁 屢得其效矣

○十七盡透 毒盡透後必無患何以見其盡透也但
得粒頭大尖離肉收根是也又有紅點細小而離肉
收根亦為盡透又有一種扁濶紅腫大塊之上起於
有小粒而大塊上離塊地又有一種發成小塊如風
餅扁樣紅腫但頭粒不尖此二症雖是透表其中必

有伏毒後必變症難治毒不透以致腹痛不止用承
氣下之佐以疎托 訣曰紅中腫翩然尚可療一榻糊
塗豈能生

十八發不出 此則變症無窮候如發熱咳嗽渾身
拘急脹痛頭痛有汗脉數即傷寒感冒未見紅點難
以辨認然麻症熱而乳咳連聲目白多紅嘔惡大便
宕泄此麻候也如得乾嘔咳嗽腹中脹滿脹痛即麻
毒不能發出急用大升發散藥一二帖以托之此為
悶麻懷症不可輕視發後仍不出腹脹痛尤甚此死

眇字當作眇字
音鴟目汁也

葛根湯加葱白腹中脹痛卒死不治即用蟬退半斤
以升麻楨榔是提清降濁之法屢見效

十九鼻乾 鼻乾無涕乃肺腑熱極閉塞而不通也
見熱未出得此其症必重已出大熱至於無涕者重
又有因熱甚外被鼻眇乾結似無涕者去其乾眇而
見濃涕已上皆是肺氣通暢雖重可救如真得鼻乾
無涕者鼻孔又無眇塞乾燥是也詳察鼻孔無涕乃
肺火盛極急用清涼藥 凡真鼻乾無涕鼻孔又無
眇塞用皂角末吹鼻取嚏得涕無妨無涕則不治
假令鼻上生煤比乾結而燥者尤甚不得透表急用

涕多而噴者順症
不必服藥

川連鼻孔開張汗出凝凸不流者死

二十鼻通多涕此肺氣順也麻之為症但得肺氣
和平而無阻塞者順也初熱值出時多涕乃為吉兆
沒後亦宜多涕否則難治今云多涕謂涕濃厚而常
有也非謂涕水而暫見之臨症察之愈月後而涕
多流者謂之鼻淵肺熱之故乃濕生也用蒼耳子

辛夷 防風黃芩 白芷 薄荷

噴嚏時点子始發
恐難出透須防

二十一噴嚏此乃肺熱得解而氣通也初熱未出
之際必先外感而今得通故也其毒雖凶可保止出
之痔得七美者其立必難及後口自七美者其立必

解而病方退後患俱無

二十二陽部多 麻乃肺胃主之多属于火先動陽

氣故人身之中陽部宜多何謂陽部頭為六陽之首

面為中陽之陽背為太陽四肢外向為陽但得陽部

多而透表必無後患若陽部反少或不能透表而陰

部反勝陽毒入於陰中也必有後患宜防宜用透表

藥 干葛 知母黃芩酒炒 吉更 杏仁 桑皮

麻黃 青皮 粘子 胆草 蝉退 山查 木通

甘草

頭為六陽之首必要面上盡透為主瘡症屬陽不透

必發喘急。又曰面青不透為金土兩傷多死之症也。

二十三陰部 痲症先動陽氣而後歸陰經故陰部

宜少。何謂陰部。胃中為陰中之陰。四肢內向者為陰。

腰亦陰部。但陰部少而陽多者。或陽部表透而陰部

不能盡透者。此為順候。反此則為陰症。二部俱多毒

重也。二部俱少毒輕也。不在前例。若陽部少出不透

用粘子 麻黃 葛根 蟬退 桔梗 仁杏 枳

壳 桑皮 查肉 木通 知母 甘草 薄荷

二十四紫暗色 疹色紫赤乃熱極矣。但得光潤澤

紫赤而不光澤。枯燥而無起色者難治。又有一種見

煖則紅活也。不煖則枯燥。此因風寒所致。須涼解不

可大早。以煖為率。麻色紫黑。搃屬熱也。用川連 葛

根 知母 天花粉 桔梗 桑皮 支子 杏仁

查肉 青皮 麻黃 竹茹 黃芩 甘草 肺火

盛加羚羊心火甚加犀角

二十五鮮紅 麻色鮮紅內多有熟若得頭粒離肉

皮膚皆活其症猶輕如点粒低塌不起者其症更重

急宜清肺瀉火為要干葛 黃芩 川連 天花粉

杏仁 呂呂子 麻黃 桔梗 麦芽 只壳 桑皮

木通 知母 支子

二十六淡紅 此症所宜也何則肺胃毒輕故色淡

紅若再得高聳離肉上吉之兆也若点低色燥必因
風寒外折宜用疎散之劑又有一等初出時顆粒不
高色帶淡紅唇舌俱燥面赤此內火鬱必用大寒之
藥佐以疏托否則必變紫黑 與前紫黑同治

二十七頭粒焦 痲得透表而粒焦者無分紅淡皆
為極熟又有一等發小芥而頂似痲不焦此非痲症
宜詳辨之如顆粒頂焦者急用清肺涼腎分利小便

若大便閉者宜於清解中左以五藥圍之了也

而不通方用承氣下之若失治恐變紫黑 痲雖出

透粒頭帶焦用干葛 支子 黃芩 知母 桔梗

花粉 呂子 良花淨 桑皮 紫草 紅花 川連

丹皮 是痲不是痲不可以眼光似水為憑必要驗

其喉間深紅為真痲也

○二十八粒紅膚白此乃肺胃毒清上吉之兆也又有

一茅因毒從血化而至者有曰毒從汗化而至者不

藥而自愈

○二十九色白如膚 謂初出其色如膚一樣但見粒

頭高腫者此曰表虛致所調理宜以溫暖勿冒風寒

過三日自變紅活。白疹溫煖而後成者是也。又一等
正出之時而被風寒所侵，至白如皮膚者，其間必毛
竅聳然，亦當疏散之劑，解散風寒，方得紅活。如失治
至毒難盡，後變多端，以至不救也。治初出時色白被
風寒所侵，汗毛豎立，膚燥，用麻黃、干葛、吉更、
粘子、蟬退、桑皮、杏仁、芥穗、薄荷、升麻、
甘草、防風。人不病而體氣壯寔，色白若而隱，此
為風寒襲於皮毛，急宜溫散。

紅腫如瓜，君莫治。三十雲頭片。疹出有如雲頭大片，其症有二。一等
有光而紅重，維物一序，以重火之。間已行，以重

經云陽明胃爛則發
斑故用石膏元參生
地丁荆芥大力子免
黑于肉若云屑者必
經小如針頭樣非斑
可比

現於片上者皆毒火熱甚所致又當辨別外症急用
大寒涼藥或分解清利之藥治之慎勿遲悞治雲片
者重用大黃 干葛 知母 黃芩 梔子 石膏
川連 玄參 粘子 查肉 麦芽 木通 灯心
三十一發斑屑 此乃氣分不足血分有餘也痲之
為症火與血煎熬血多虛耗陽氣多旺何得有此若
熱時或初出皮膚上覺有紅斑屑者此寔非斑乃風
寒所折只宜疏散加清涼之藥其斑自退切不可用
紫草紅花石膏等藥以致水瀉不止元氣下陷却不
能發散而斃矣

乃熱至胃口可用竹
茹姜汁炒川連治之

三十二嘔吐 嘔吐之候脾胃所司非有損傷則不吐也痲症有此皆胃間大毒不能發泄致傷胃氣故也作熱時得此候藥用疏托已出并沒後為毒未盡當於清解和中而用疏散可也若沒後仍有此症是餘毒留於胸中急用清涼之藥佐以分利小水兼用止吐寔脾如白焦朮灸苓藿香之類嘔吐一除即止不可多用恐有變症川連竹茹杏仁葛根連翹黃芩桑皮知母甘草

三十三水瀉 其色必黃而有沫初熱及正出之時正吉所謂毒以瀉解但不宜久則元氣不固未佳

發透藥宜清涼利水佐以升提之品滑石 澤瀉

猪苓 木通 知母 桔梗 麦芽 川連 枳壳

山查 甘草 若煩熱躁火及蕪水瀉然寔非水泄

也乃熱極自利完足不化不可作寒論也

三十四糞糖 麻本胃火再若大便堅寔此火毒盛

極疹出必險故糞糖為正候也若初熱并出時得之

其症雖凶可救正沒并沒後之時得之色帶黃褐無

妨沒後便溏泄者用四苓散加六一散即滑石 甘

草 木通 遍豆粘子

三十五吐虫 此多見於正沒并沒後盖因胃火熱

甚少食虫無所養故望上出少或二三條多至十餘
條然不宜多若初熟未見瘰時先見虫是為胃氣虛
敗將出之時見之則因胃間有熱膈上有痰而不能
容故也摠之因無所養而上出者能食即止胃膈有
痰者痰消毒出即止惟胃氣虛敗者必不治瘰症見
此宜調補脾胃為主 治瘰沒之後胃熱膈上有痰
吐蚘者石羔 川連 黃芩 吉更 桑皮 杏仁
干葛 支子 知母

三十六下虫 此症當先於沒後摠目胃火盛而少
食故虫不能容也虫以下于為頂與口下用

症解出為順退熱清胃能食自止

三十七 下身冷 此非比疫症以頭溫足冷作逆論也。麻之足冷有逆有順。蓋疹之為症上膈主之發熱必是頭上至足其始熱初出之時上身熱下身冷反為順候及正出之時必壯熱至足麻遂得出已出及正沒時下身亦不冷為佳沒後身宜清涼如常若主冰冷必變壞症須詳審而防之。麻子沒後上身壯熱下身冰冷此是陽火亢於上陰血虛于下也恐變壞症治用川連 黃芩 柴胡 芍藥 杏仁 知

母 桑皮 青皮 生地 查肉

三十八瘡易沒。瘡之易沒者必先瘡出頭聳粒尖淡紅色潤毒輕而肌表易透故也。又有毒火雖盛清解得宜肺胃毒退而易沒也。易沒者必於出透三日從肌漸沒於裏非謂沒盡而無痕迹者也。玉髓云麻之出沒以六時為候午出子沒謂正候。易沒者非謂遂出遂沒也。出後三日漸沒為安否則須察之。

治胃風早沒

荆芥

麻黃

干葛

吉更

杏仁

木通

粘子

升麻

薄荷

三十九難沒

痲之難沒者多屬於熱自見點至五

七日不沒為難。肌表必然壯熱宜解肌涼血之劑。左

以利水可也。若見肌膚之上無點粒，惟紅片如膚上平而不高者，此謂沒不盡也。宜微用解肌之藥。如見有內熱之症，亦宜清內熱。內熱不除，多致不能盡沒。若點帶白燥色，隱隱肌表之內，似沒而不沒者，此必因風寒所絆而不能透表者，非難沒也。急用疏托，勿用寒餌。宜麻黃葛根湯，減連芩，加蘇葉、荆芥、穗、蟬退、粘子之類。麻之難消，乃因亢火。川連、黃芩、支子、桔梗、杏仁、知母、干葛、石羔、查肉、桑皮、木通、麦芽、灯心。

四十沒早。麻之沒早。有三者：因正出未沒而冒風。

寒一也。或候食葷醒油膩，以致肺腑不通，毛竅閉塞。
二也。以上二症俱宜疏托，候食油膩者，佐以查肉、麥
芽、神曲。三因以患病之後，中氣虛損，出之未盡，而遂
沒者，此摠用疏托而中毒未盡，但微與以開門戶，即
用清毒之劑可也。遲則致毒內攻，難^治。後之狀有二。
一則未經三日，或一二日，或半日而沒，盡肌膚之上。
暖處無紅點者，此真早沒。終變危症。一則未經三日
而先沒，暖處之上，肌膚之間，還點有紅點，此雖早沒，
以其毒猶未盡而入於內，急宜疏表清毒，可無虞矣。
遲則有變。病後人元氣不足，古人用參、蘆、餘，其斯

之謂與。若因冒風早沒，急宜發散藥消食。遲則不救。未經三日而沒者，是風入於肺，必發喘煩，調治之以

三物湯

四十一 沉睡 痲之沉睡安靜為上吉。然當分時候。有不宜沉睡而沉睡者。若發熱至正出之時，此為火鬱於內，未得發揚于外。此沉睡恐變症無窮。此時宜常為佳。有宜沉睡者在正沒及出沒後。此時沉睡為鬱火得退為上吉也。否則毒火內熱不能睡矣。何謂沉睡為睡則沉，而不醒，則精神意致清白。又有

一種昏，而睡不知人事，捏其夾車合谷而不清者。

又有似睡而不睡者皆而昏睡多難治也宜多因其

外症施治可也初出時火鬱於內未得發越而沉

睡者干葛黃芩川連酒炒桔梗麻黃杏仁

梔子查肉麥芽青皮知母甘草升麻五分

四十二眼閉此多於正沒之後見之皆曰脾火旺

盛而未消也此非面目腫閉謂外不腫而目自閉也

宜清上焦之熱兼以利水火退而目自開矣或正出

或沒後眼閉用干葛胆草川連知母梔子

黃芩白菊花粉吉更桑皮粘子木通

減連岑羚羊便閉有積加大黃諸症以眼閉為虛
惟麻眼閉為胃火白雷丸煮猪肝食之紅障翳膜
盡去神妙

四十三口瘡此乃心脾火盛壅于上焦也多見於
正沒及沒後皆因毒餘未盡而留熱於上焦必大便
閉小便赤治宜清利心脾之火兼潤大腸若得大腸
潤小便自行此症自愈外以清金散搽之吃乳小兒
母有熱亦當服藥使乳清涼麻後而生口瘡牙床肉
腐

黃芩 川連 黃柏 支子 知母 青皮

木通 射干 元參 柴胡 吉更 花粉 煨石

吹口藥 青黛 梅冰
見茶 胆丸 川連
人中白

羔 粘子 淨銀花

四十四丹牙疳 專于上下齒腐爛此陽明胃火留
而不行上冲之所致也非比口瘡滿口生遍而牙無
患也此症最重宜清胃火涼血之藥佐以加潤腸外
以末藥吹齒遲則危見其口臭牙齦肉黑急用清胃
散服之此病最為惡候須急治之吹藥 見茶 月

石 射香 冰片 辰砂 川連 青黛

四十五咽喉 咽喉之症多屬於火痲症見之無妨
不比痘論然亦不可太過 咽喉痛方 玄參 射

銀花淨 黃芩

連翹

桔梗

丹皮

生甘草

四十大唇口破碎 此乃心脾火盛上冲其色必深
紅紫黑然治當分首尾初熱得之其色赤此為火毒
未解若得火退色活猶得托出故可治也藥用寒涼
加以疏托紫黑焦枯而血不活者不治若已出而見
丹候多難治蓋毒已出唇口列破此為心脾二經俱
敗故不可治正沒及沒後亦危 唇口破裂熱毒大
重危症也用竹茹 天花粉 貝殼 青皮 干葛
桔梗 支子 杏仁 黃芩 桑皮 知母 石羔
連翹 木通 甘草

脾氣開竅于口故唇
口焦黑燥是脾毒
上冲

四十七舌胎 舌乃心之苗痲本火候故屬於心故
舌有胎之有三種黃白與黑色白者微熱黃雖重可
醫黑則難治此候無分始末不遇清熱分利而已
黑胎不拘首末急用大黃湯佐以清涼疏藥表 五
臟之火悉見口_于故白黃黑即知病之輕重黑為心絕
不治

四十八唇燥 此多屬於脾之熱有三一則唇白而
燥其熱尚淺一則唇赤而燥其熱極重更有帶紫黑
而燥其熱更甚治要清熱疏利而已 治唇燥干葛

花粉 查肉 黃芩 川連 苦梗 焦 百 口 丹

初出時血正邪
從衄解不必慮用
五柳湯治之無不
效

玄參 黑支子 木通 甘草 便閉加大黃

四十九衄血 此乃內熱旺盛邪火沸騰血從火化
是以從肺上而溢於鼻者名曰衄血且疹本於肺胃
故未出之先得此為毒解非腸經妄行者比但不宜
久至於痲盡出或沒後仍有此病當于清肺藥中佐
以清血之味其火退而衄即止如并口中出血服涼
藥不止者惟用發散使毒得出即止矣徒用涼藥無
益也 痲症衄血者火毒重治以清涼 川連 支
子桑皮 元參 知母 黃芩 杏仁 石羔 木
通 干葛 青皮 只壳 甘草

五十鼻扇 此症若兼喘滿喉鳴乃毒火亢盛而肺氣將絕必不可治咽喉喘而無痰精神如改者十救四五以潤肺清痰為主否則難治 痲出時鼻扇方 桔梗 杏仁 桑皮 麥冬 干葛 麻黃 羚羊 黃芩 只壳 石羔 大黃 或用利驚丹亦可 西河柳湯亦效

五十一 痲本屬肺胃喉中齁齁而鳴此痰火內結不能發越所致宜清肺清痰降火為主十救一二若見於已沒及沒後者其毒火傳裡多難解釋宜方未然後後遇此症火炎金燥而痰火結難救也

五十二腹痛。腹之疼痛因毒內作而不能透表。治法雖一定。若見于初出正出之間。為毒不能盡達。治以疏托發出。即止。若見於正沒之後。外邪未盡。而復入於裡。治法有二。如正沒而未盡沒。治當疎托。佐以清解。使邪出痛止。如全沒而無形影。治宜清涼解毒。藥中佐以風藥。少許。其毒內消而痛自止。須以意度外症加減。痲後沒盡。腹痛亦內攻也。所謂毒伏於內。宜用麻黃。干葛。桔梗。前胡。桑皮。杏仁。木通。川連。黃芩。山查。只壳。連翹。支子。甘草。大便閉加大黃。初出時減芩連。加蟬退。痲

後腹用^痛蟬退^子佐檳榔木香少許傷食如山查^反無

不立效

○五十三發喘 此多屬於痰火喘者胸脇高起開口

而作當分虛寔施治虛者難治寔則易療大便溏泄

小便滑利唇白身不甚熱皆是虛症用藥殊難取效

如大便堅寔小便赤澀熱重治宜甘吉只壳蘇子萎

仁杏仁桑皮連召黃芩款冬花之類可以取效 虛

喘宜定喘湯加于人参麥冬倘有得生者

○五十四啣牙 非比痘症有寒熱之症麻症摠屬於

熱此為陽陷于陰也故多發眉如手足俱熱喜食冷

物治宜淋陰降火而愈若過飲熱物湯水及辛燥之物必致下血喉口作痛痰響而死 痲症毒火咬牙者往有之治以導赤散又有寒症咬牙者喜食熱物手足冰冷者難治

五十五口臭 口臭不堪乃是胃爛死症或原有口

臭者不在此例宜細察之宜服清肺胃之藥 治口

臭不若胃爛之不可近者 熟石羔 五錢 知母 黃芩

粘子 連翹 四錢 吉更 錢五 麦芽 炒三錢 麥冬 二錢 甘草 錢 花粉

二錢 玄參 四錢 骨皮 二錢 炙桑皮 三錢 川連 分 凡遇毒火

酷烈胃土受傷口必惡臭無論始終急用石羔 反 庶

十救一二

五十六吐痰此症有二有吐出如綠者有吐出成塊者皆肺胃之火久積而作者俱宜清肺清痰降火為主不可用星半燥藥又有吐清涎而有白沫者此亦胃中火旺宜降火為妙

五十七發搐 痲症之搐非比雜病若喉中無痰非其搐也當分時論言凶若見於發熱并發出未盡之時俱為無害治宜疏托少加清涼若見于已出沒之候俱為難治法宜清痰兼清上焦之火又利小便

五十八氣促 氣促屬肺乃熱不清而致也治當分

時見於正出未出之際。藥宜疏托。見于正沒之後。藥宜降火。乃瀉肺氣之劑。有痰即加痰藥。

五十九下痢。此症多見正沒及沒之間。或見于初熟及未出正出之時。或自首至尾而作痢者。三尋當條分而治之。若正沒及沒後。當解毒涼血。行滯氣。自首至尾而作痢者。宜解毒行滯。益以疎托。若見于初出正出之時。宜疏托為主。行滯為輔。解毒為使。如或積食。宜用消食行氣之藥。已前諸症。若色紫暗。或以癩膿屋漏水。黑豈汁。或燥渴熱甚。而發喘嘔。俱不可治。

治瘡後痢。用柿蒂十四個。

川連。

滑石。

猪。

苓 澤瀉 桑皮 杏仁 桔梗 山查肉 黃芩

木通 只壳 茵陳 車前子 甘草 治痲後痢

固用大黃或用西湖柳研末砂糖調服

六十譫語狂言 此皆因邪熱壅滯當分時而治若

發熱於未出正出之間俱是邪毒在內未得透表藥

宜疏托佐以清涼分利使疹出盡而症自愈若見於

已出正沒及沒後宜清涼解毒分利兼血使火退毒

清前症自釋勿至遲悞 此症當正沒及沒後宜清

涼豁痰狂言川連 黃芩 艾子 大黃 只壳

杏仁 茵陳 車前子 甘草 治痲後痢

六十一體如水。痲之為症，屬火。身體手足俱溫熱。今反冰冷，必是逆候。若初出之時不熱，則毒不能盡。而反漸沒，若正出及沒後有此症，此皆脾胃倒壞，血氣大虛，毒必不能盡。必沒變症無窮，定為不治。故不定法。在正出之時，身冷如水，服前方，身熱面紅，急用連根葱頭煨熟，頭面遍身擦之，即出無妨。此因熱反寒，或用寒涼水肌。麻桂飲加蟬退、麻黃、桂枝、當歸、廣皮、杏仁、石膏更。身溫即止。此症熱極反寒，急用麻黃發表，使鬱火達外，方可望生。不然鬱內而死。

六十二胎癩。胎癩之症，總熱即出，而隨沒。此亦風寒所致。治宜涼解疏風清痰之藥。若不應，亦由風寒壅盛，或水浸太早，速宜疏解。此雖胎癩，亦宜避忌。

六十三眼眶紅爛常淚。此皆因正沒及沒後，不避風寒，或烟霧所侵，皆令目赤弦爛，而常流淚。當疏風散寒，延久不治，必成終身之患。又眼多淚，乃脾肝火盛，無分前後。兼症，總以清降肝脾之火為急。治用蟬退、川連、草決明、蒺藜、蔓荊子、白甘菊、白芷、胆草、防風、甘草、木通、生地、桔梗。

六十四眼光如水。此肝火盛而致也。痲症初熱必
有此。無則非痲症也。

六十五白珠紅赤。白珠為肺。痲症本屬乎肺。先熱

未出之時。宜有紅赤。如止沒之後。尚不退盡。宜瀉肺

火為主。風藥佐之。治沒後眼赤。蔓荊子。草決

明。生地。胆草。防風。青相子。蒺藜。知母

貝母。白菊。川連。木通。吉更。甘草。宜火甚

加羚羊。羞明。加蒙花。

六十六胸高。此肺熱甚而脹起。多見于正沒并沒

後。有此則壞不治。方麻黃。干葛。吉更。黃芩。

瓜蒌 青皮 不只壳 亭力子 占子 桑皮 木

通 大黄 服数贴不效不必治之

六十七 大便閉 此火毒^結於大腸而閉也 痲症大便

宜滑今反閉而不通治法不拘前後日期但宜通潤

清涼之劑若變紫黑則難治矣 初出熱微用蒺仁

卜子 只壳甚則閉結用大黃湯沒後閉結不通大黃

用之無疑 大便堅閉鼻上起紫黑筋者是為壞症

六十八 小便赤澀 此由裡熱而致初熱出之時是

其症候若見於正沒之後內有熱毒未盡宜用利便

行水之劑如乃不通必因大便秘必

若大便閉者宜大黃湯加車前木通茵陳

六十九不食 痲症多有不能食乃胃中火邪熱甚

故也無害初出正出之時內毒消散自然能食若沒

後不食胃中熱毒不消速解胃火毒退自能食雖半

月無妨不可強食 治痲後身涼不食查肉 只壳

青皮 石斛 川連 黃芩 麥芽 杏仁

干葛 木通 甘草

七十痲痺 此症多見於痲沒之後因見風入水太

早所致用艾葉防風荆芥甘草浴之即好

七十懷孕 症痲屬火必裏有熱未出正出之時疏

托之中佐以清涼正沒與沒後觀色之深淺熟之輕重而用涼藥佐以疏托勿用寔脾行氣之藥以致墜胎治孕忌用蟬退滑石大黃木通以及辛熱之藥治出痲墜胎不可作已產治只重痲法治之用于葛黃芩川連知母吉更前胡只壳桑皮

杏仁木通甘草重者用牛黃丸治之

七十二產後產後雖當以大補氣血為主然遇痲症又不可驟進補藥如發熱之初熱甚者即不嫌發散宜以升麻干葛湯用酒炒白芍加吉更紫蘇以發

其于下不用薑白芍

七十三升發 痲症用藥其寒涼解毒之品須分先後若初熱正發之時切不可用正沒并沒後則宜清涼解毒之藥使火毒易消而無後患也

七十四養當分天時 痲之調理古古之養痲近為有理然要分寒暑如春冬冷月養之可也若夏秋炎熱則宜無風處居之

七十五補中 痲症屬火脾胃寔熱者多虛熱者少當用涼藥疎解之劑古人亦有調補中氣之說何也此因寒涼太過以致脾胃敗損痲後嘔吐瀉青唇白身無大熱當酌其輕重而用之人參茯苓甘草米仁

蓮肉木香砂仁之類而佐以黃芩支子川連之屬當
微炒而用之或問曰既用補劑又有涼藥何也答曰
恐中氣未寔而邪火復作也故有此寒涼耳若嘔惡
泄瀉白朮亦當用之

麻症

麻疹乃六腑臟胃之毒熱蒸於肺外感內傷而發於
痘症表似同而裏寔異初熱三日出脹共三日出而
又沒之而又出一週時瀕重者遍身細脹眼赤封閉
有赤白微黃不同仍要紅活最嫌黑陷及面目胷腹
稠密咽喉攢纏者逆發不出而喘者即死與大料應

疹相似又與發斑相似如錦又有空缺處如雲頭狀
遍身無空但疎密不同耳仍有夾斑夾丹夾瘡同出
者初起呵欠發熱嗽咳噴嚏流涕頭眩宜升麻葛根
湯加紫蘇葱白以解肌切忌大汗斑不紅者亦宜乃
麻初起之神方潮熱甚加黃芩地骨謔語調辰砂六
一散咳嗽加麻黃杏仁麥冬石羔咳甚另用涼膈散
加吉更地骨皮小便赤加木通寒熱似瘧小柴胡湯
初起全類傷寒但面赤中指冷為驗耳已出煩躁作
渴者解毒湯合白虎湯氣喘便閉者川貝只壳赤苓
大黃甘草北五味水煎服便閉三四日者小承氣湯

防風通聖散。譫語溺閉者，導赤散如疝者，四苓湯加車前木通。譫語者，狂者，解毒湯調辰砂六一散。大便血小便赤，見血者，犀角地黄湯合解毒湯吐血衄血，解毒加支子童便泄瀉，解毒合四苓湯喘兼泄瀉，溺閉瀉者，柴胡湯煩渴作瀉者，白虎湯加蒼朮，痞苓湯熱甚乾嘔，解毒湯傷食嘔吐，四君子湯。夏月因暑作嘔，四苓湯加人參，忌用豆蔻木香姜桂熱藥。痲痘初起已出已沒及切雜症，與痘毒大同，但始終用藥宜清涼。痲喜清涼，溫煖不易常道。虛則補，寔則瀉。醫家治之活法，故痲亦有血虛而用四物湯氣虛

而用四君子湯天寒傷冬則溫中理中之藥一時之權也

痲症沒後餘熱內攻尋衣摸床譫語妄言神昏喪志者死如熱輕餘毒未除必先見諸氣色雖預防之始終以升麻葛根湯為主或消毒飲解毒湯隨症選用仍忌魚腥葱蒜之物

王氏治瘡子經驗方

治瘡先以表散為主不可服涼藥太早當以解毒為要切不可補劑過多此不傳之秘訣也珍之

瘡之發熱三四日而出淡紅色點子稀少小兒安和

能食大小便利不必服藥如熱四五日出頭面遍身
多密又見其色紅紫不食咳嗽身熱便閉至五六七
日後而不退者急服表藥解其風邪後然清涼解毒可
也

中和表散方

荆芥五錢薄荷 蝉退 木通 萎仁 卜子四錢 吉梗

連翹 甘草 有食積加麦芽 青皮 延胡 腹

痛亦用色大紅紫加丹皮 紅花 紫草 嘔吐加

橘皮 竹茹 藿香 咽喉痛加山荳根射干 元

參 吉更 粘子 甘草 口喝葛根 竹葉 口

裂唇腫加石羔黃連
元明粉 輕者導之
葉 毛草根作引
喘急加川貝 天麻 廣皮 苧蓆子 卜子 其
分兩看症輕重用之可也

中和清涼解毒方

黃芩 粘子 卜子 花粉 連翹 丹皮 梔子

桔梗 山查 杏仁 淨銀花 甘草

重瘡症治法

瘡子熟七八日而出其症必重若一出即隱有頭面

微出而身工俱無有身上微影而頭面胃背皆無又有影跡在內外不現形者又有遍身紅紫成塊紫色俱名悶麻急於麻黃湯大表發之可也 麻黃湯
桂枝 升麻 粘子 姜蚕 防風 芥穗 薄荷
蝉退 杏仁 葛根 甘草 葱白引汗出為妙不出加松頂二個再服

重瘡清涼解毒方

黃連 羚羊角 石羔 元參 梔子 丹皮 紫
草 黃芩 花粉 查肉 甘草 以外隨症加減
重瘡風痰入肺胃高氣急而喘鼻扇開張湯藥不能

奏效急用牛黃散庶可挽回萬一也

牛黃散方

牛黃

雄黃

天竹黃

月石

天麻

胆脛

川

貝

真蘇子

杏仁

葶藶子

青蒙石

全虫

共為細末。今前藥調服。如瘡後牙疳疔毒。目疾瘡瘍等症。大約於痘同治。故不立方。

增補諸葷油膩

痲疹所最忌者。諸葷油膩。初熱即戒之。真至二七日。退熱身涼。不嗽無痰。方免忌之。并乳母亦宜切忌。痲之為病。症類傷寒。油膩不忌。則生痰發嗽。或泄瀉不

寔所由來矣。切宜戒之。蓋麻後之症俱麻前所成。

發表宜山查只壳湯。治麻症不知忌口。

山查一錢 只壳一錢 乾葛一錢 吉更錢五 橘紅一錢 木通分 桑皮

壹錢 杏仁一錢 青皮一錢 冬用麻黃分 肚胞加大黃以通利

之初熱不見點或未透者俱不可用大黃。

涼解有時

麻用解毒寒涼之藥固所宜也。然當分先後初熱至出時切不可犯寒涼。犯則難出。正沒及沒後方用清涼解毒之劑。使毒消散而無後患。治茲者慎之。

降肺脾之火為要 川連 木通 甘草 胆草

知母 乾葛 連翹 蔓荊子 黃芩 桔梗 製

石羔 白菊 杏仁 桑皮 灯心

水痘

水痘亦傷寒之狀身熱二三日而出或咳嗽面赤眼
光如水或噴嚏或唾涕稠粘先用川羌湯一貼如不
應再服葶藶子湯無不應效如不避風寒口喫發氣
食物以致痘癍破爛不能結痂須用何首烏湯一服
而愈再遲延久面色痿黃疤痕不愈脾氣不足飲食
無味必以六君異攻之屬服之而安

斑疹

一斑疹之毒皆由於火內經曰赫曦之紀其病瘡瘍
故或遇二火司天或司運之歲肺金受制感而發者
居多輕則如蚊迹之狀或壘腫於皮膚之間名曰癰
疹重者如珠點紅暈或片如錦紋名曰斑疹大抵
紅赤色者吉色黑者凶其症似傷寒發熱凡三四日
而出七八日而沒也凡此皆屬邪熱治理之法惟辛
涼解利而已即或吐瀉亦斷不可用溫補也如豆蔻
干姜之類切勿輕用而初發熱之時亦不可大汗只

當作清

辛

宜用升麻干葛散表之或用羚羊角散
令汗自出

知母 黃芩 粳子 元參 麥冬 甘草 淡竹

葉

麻後臞脹

臞脹之症其因有二一為輕視不治而來一為庸醫
誤治而起麻本肺胃火毒因未清理脾土火燥而失
職不能運化而壅遏其通行之路故起臞脹之患如
欲通其痞塞之道則必究原於肺胃之火而清理之
氣斯暢而血斯和豈有阻塞而成脹耶如誤責其脾
虛胃寒以參朮補之桂附煖之甚則用牽牛山稜
莪朮 甘遂 戟大 楨厚以逐之禍在頃刻 清

惑

白麻驗案 有三歲稚子素有疳疾身體瘦弱面色
肌膚如粧金出麻之白如膚點粒磊之 余謂全無血
色者不治竊思其點粒磊之其毒盡透雖無血色此
是血虛之故杜撰補血透肌湯三服漸沒而安 杜
撰補血透肌方 當歸 川芎 紅花 芥穗 防
風 蟬退 桔梗 薄荷 杏仁 橘紅 生甘草
餘毒

麻前不易麻後更難火毒不清於麻前諸毒必發於
麻後或上攻眼目或旁開口舌或為疔毒或為疔毒

痢種：不勝枚舉即週身而言或發為疥癬或為膿瘡或為癰腫或為疔毒悉本麻毒未盡而為餘毒也仍宜清涼發散解毒為治輕者毒盡自清自消重者毒泄易收易愈再無遺患矣

內消散

當歸三錢生

地三錢川芎錢五赤錢五姜蚕錢全蠍酒洗穿山甲二錢銀花錢淨

土貝錢白芷錢花粉錢毛古錢連召錢甘草節錢清

煎三四帖

麻後手常揉鼻

麻後手常揉鼻此為肺火經毒未淨其鼻主肺：熱故使鼻癢鼻癢而以手揉弄也宜地黃清肺飲治之

痲後鼻下紅赤亦同治之

地黃清肺飲

生地 麥冬 黃芩 桔梗 防風 連翹 杏仁

桑皮 知母 川貝 清煎

[Faint bleed-through text from the reverse side of the page, including characters like 地黃, 麥冬, 黃芩, 桔梗, 防風, 連翹, 杏仁, 桑皮, 知母, 川貝, 清煎]